



淮安詩城

五言七言排律卷六

西軒丘象隨季貞訂

閻修齡

三見

暮春社集一蒲菴兼送李雉升之金陵

野寺同移艇春深湖落暉
踈鐘飄柳岸遠水帶荆
扉風起千帆夕林陰一鳥飛
物情欣有託吾道豈
中微花氣連江暖濤聲到夢稀
客來歌白苧人去
訪青旂問字浮楊子驅車向舊畿
黃魚分饌入紫
筍伴囊歸所見應名宿誰憐老布衣
遲遲寧忍發

心賞遽相違

陸奮飛 再見

題友人畫朱竹障子壽意

澗國紅珊茁仙家紫鶴氈何人垂白鬢有客寫丹
衷節節摩霄日心心奪彩缸餐花來珀鳳撥杖起
彤蟲紅葉嬌猶怯蟠桃笑未工湘妃收墨雨王子
化玄風林莽醺多士淇濱醉武公絲抽賺赤尾管
截下飛鴻嶰谷砂床貴黃州圓閣冲揮毫花覆座
拔箭羽猩弓脂幟吹炎早朱干舞夏同籥合玳瑁

聚笋出紫泥通秋菊猜春柳寒梅問落楓琅玕今
琬琰朱草昔菁葱傍水魚啖荇侵洲鳥啄燕雪珠
紅玉軟雲葉絳紗籠蝶粉芳粘翅鸚黃翠絢瞳龍
孫鬢髮艷稚子笑頤豐火棗驚還北赤窠遜謝東
坡仙洒墨妙髯將抹殊雄紺尾掠雲漢霞枝掃帶
竦托根應有處南極老人宮

卞爲鯨 四見

南園爲客兵所苦

不遵司馬法乃攬碩人邁踟踞朝同漢消搖夜傍

河花將愁四摘鳥亦厭重過鷹眼春難化豺聲書
更多兵驕橫宇宙民細寄風波文德期觀羽軍容
望解戈常關門固爾雖折圃如何毋昧強梁戒爲
君擬輓歌

誅逸賊

爲問南朝事君胡不避賢商鞅深任法盧杞重招
權樞密兼軍國平章擅鼎鉉故交門祭戟廝養座
貂蟬仲父稱名最元公錫土專方能驅內侍黨復
固中涓水旱無封事徵祥有奏篇獻君陳秘戲宴
客列官縣鬻爵摹西邸忘讐棄北邊敢藏武庫器
濫用水衡錢致使前星暗尤令厚地顛忌忠排鄭
俠導欲引韓嫣謗讟千人指詛誹萬古傳至尊還
見執餘黨復爭妍墨擬刑非是車從裂固然擁兵
憑草澤走檄遣戈船逸賊嚴天討雄奸附石鐫藁
街何日致黎庶始安眠

陸又深

三見

雨後訓農同南公野眺

雨盡湖光長風過漁艇橫烟花趨日色衰草傍籬

生封澗畜餘響刪枝助弱榮山竟開靜想風景闊
詩情方喜友同適忽聞農說耕須知歲有主來聽
水流聲

蘇國美 再見

高家堰

積水千秋險金堤十道懸陵園居重地澤國接長
天九派攢銀浪雙丸岔紫烟神巫乘蜃氣巨窟潤
蛟涎瓠子崩聞變宣房築記年馬沉蒼泗外龍蛻
古涇邊伏弩潮應退飛梁鎖獨堅月珠探象罔風
笛起漁船保障全潛係朝宗百谷聯江淮鯨不鼓
垂釣選清川

劉沁區 三見

薜蘿

芳蘿延縹碧好雨及初晴積氣歸虛牖踈陰覆古
枰過墻分月色倚閣訪秋聲詩思枝邊滿茶烟葉
外橫鶴蹲其下夢石醉此中醒以對空林靜而疑
淺水明擬騷堪帶製招飲可亭名自覺孤懷遠非
緣久坐清欲尋遺世者共結小山盟

程 淞 四見

催粧 七言排律

金鈴結子聲傳九珠樹流葩影立三夜月紫茸褰
複帳春風紅杏疊單衫屏開璵闥嬌鸞舞燭膩銅
盤綵鳳銜家計自應知愛壻門楣不復重生男笑
成齟齬人皆惑苦學嚙心世大慚粧喜雷蛇盤屈
曲睡嫌羅燕擾呢喃臨風持取臺中履貼地啣將
席上簪乍見綠鬟猶半攏定知玄的尚深合因循
麗質愁初釋消息佳期恐未諧柏複滿薰香更熱
勝脂微摸粉還參采蓮謾說心原苦啖蔗須知境
漸甘珍重秦樓鴛被煖不妨紅日上東南

徐振芳 四見

觀王九玉將軍所畜古印章

韻事文心迥將軍武庫開商周法物備秦漢寶章
裁玉漬蛟螭血銅含翡翠胎篆紋追佚籀古紐結
龍能零落殘兵火蒐尋出劫灰重臨傳副本什襲
祕真材六法煩心手三毛益頰顯素書憑作款名
繪乞爲媒拂拭消閒日摩挲薦客杯持茲清尚去

欲喚古人回冶鑄從龜顧雕鏤應鵲來黃金懸肘
後天地不塵埃

王球 字贊元山陽人

七夕

爽氣天如洗涼風夜自溶無庭不灑掃是女盡雍
容縷線高穿手蜘蛛驗結蹤一梳從幾得五寶有
囊封暗室神光照天門幼女逢采娘驚夢詫貴嬪
設盟濃豈異來青鳥還同駕赤龍

淮安詩城 五言絕句卷七

西軒邱象隨季貞訂

邱俊孫 再見

白春謠

退 初春去糠粃再春米粒碎三春隨風揚著力當謙

對菊

黃 采采難盈袖糾糾自履霜鞠衣曾借色桑菊亦分

胡從中 五見

梁州曲

風吹山影至樓上
墮絃音莫聽
梁州曲離人半夜心

古別離

孤客龍門去
刀環意不平
黃河來萬里
故遠楚王城

卞為鯨 五見

漂母祠

老嫗眼能別英雄
淚可收即令仍望報
羹顏尚堪候

李枝翹 四見

采蓮

與懽共采蓮
得花旋棄實
懽愛在蓮花
儂苦心中出

程洙 字滌東山陽人

漂母祠

王孫一飯恩
廟食光千載
漢室有陵園
荒烟卧土

壘

畫題

水遶萬山深小舟橫遠渡休疑擊楫人欲訪桃源
路

張應錫三見

過劉伶杜康祠

傳 愛身來至妙借酒樂其天是義無人識蕭蕭獨酒

馬 駿四見

怨情

心 瀟瀟蘭露白無意怨離情琴願妾猶黃葉歸風送遠

秋思

秋 妾心驚漢月掩淚一登樓未解黃花戍何來紫塞

程 淞六見

閨情

盡道關山險關山路極平自兒夫壻去夜夜夢中

行

閻若璩 三見

有贈

空囊不厭貧
白髮不厭老
偏我同心人
逢遲更別
早

高啟晉 五見

踏春詞

攀條牽鬢絲
前覓溪水照
照水先照花
回面向花
笑

江上望月

天心浮一月光
微波流底月皎
波如練波翻月如
洗

丁氏

清河人潘尊賁妻

漂母飯

一飯何足奇
廟食垂千古
悲哉老雉陵
妬才終黃土

舟泊蕪城

鷓鴣離一孤舟
魂黯蕪城賦
不見折瓊花
惟聞悲玉

樹

劉芳譽 再見

美人顰

黛淺難容恨
嬌多長帶羞
雙蛾輕鬥處
未必是新愁

嘆

不語唇朱冷
幽懷鬱自禁
忽然成獨歎
無限惜春心

嗔

目忤非干怒
低鬟屬意殷
情言心自賞
佯作不堪聞

歌

巧舌激清音
縷縷響欲歇
高堂如空山
萬籟不敢發

劉始大 字膚公 山陽人

砧聲

寒砧一夜滿
明月散空林
忽覺秋衣薄
非關霜氣侵

落葉

霜風乾木葉危條豈久安
藪藪不忍墮應知離別
難

邱成美 字子和山陽人

冬閨

寒夜幾許長眠深不知曙
何以慰寂寞夢向遼陽
去

邱象濟 字子善山陽人

春郊

小園寒不轉春色滿平原
冉冉桃花路欲題何處
門

蘇國美 三見

四愁

愁來如亂絲相牽不可理
對鏡將我鬚霜侵忽如
此

又

愁來如湧泉衝流不可禦
仰天一浩歌風雨泣如
緒

又

愁來如明鏡披對不可掩持此幽居情謝絕山川險

又

愁來如飄風按納不可狀何物張平子寫心得邀想

妾薄命

乖此良會因若碎金與石潮來不在朝夕退不在

又

呼妾解語花郎不解妾語妾命如飄風郎情若驟雨

又

新人視如冠故人視如履履正行不顛冠斜扶不起

淮安詩城

七言絕句卷八

西軒邱象隨季貞訂

陸奮飛

三見

小遊仙

虹起霞封洞半開
銀鞍雪鹿繫黃梅
雲官一見驚
相訊吹落人間幾度來

又

笑嚼瓊花坐石磯
一泓清碧畫暉^晴道人
不食喫烟霞
飯吐出青精兩翅飛

又

天上冰梭緯宿移河邊少婦繭蛟螭織成雲霧無人著沾與東皇作錦帷

又

誰向崑崙弄紫簫星源吹玉碧雲謠紅韁忽解霜蹄駿食盡瓊田白玉苗

孫

渠

三見

荆軻

秦政苛殘六國衰燕丹結客欲何為從衡離合皆

無術七首先於博浪椎

張璠若

五見

嚴灘

烟水投綸一老生客星犯座世皆驚安知十八年門事新莽何曾識姓名

靳應昇五見

采菱曲

密藻隨風一半開輕舟搖去又搖回菱邊更有紅蓮子折得香枝滿袖來

晚泊寶應

扁舟停泊射湖涯
旅店參差四五家
日暮涼風摧木葉
半村屋^角挂殘霞

送李黼臣北上

淮水於今又送君
布帆搖曳楚天雲
好携名酒前途去
日暮黃河看夕曛

又

自向山中別故人
驅車不復更逡巡
京華若問誰同學
但說徐陵卧澣濱

胡從中六見

桃源道中

攬轡桃源不到城
荒雲凍雨落花聲
黃河流斷疑無路
九曲崑崙別有情

湖上漫賦

空嵐溼浪妬雲乾
四月香蘅五月寒
風景何如天欲墜
段橋竹閣倚闌干

南屏

南屏日落白雲生
一帶斜暉望不平
忽過蓮花諸

洞口萬窠寂寂鳳凰城

葛嶺

丞相園林赤壁間
葛君丹竈閉春關
初陽臺壓清泉水
流盡寒灰人不還

陳台孫 三見

無題

月明千里雁風開
特寄梅花小影來
趙女如雲羞借問
斷魂夜夜賣漿臺

朱士全 三見

登吳山望江湖戲作

西子臨湖羅剎江
忠臣豔婦事難雙
靈胥不釋傾城恨
潮汐應知氣未降

白桃花

遲日晴開玉樹暉
武陵源上雪霏微
溪邊若鼓漁郎棹
絕勝山陰訪戴歸

張養重 六見

送春曲

春去春來總未真
殘花都作陌頭塵
年年只是傷

春老回首那知春送人

舟中聞笛

荒城春暮楚江流
鐵笛生哀兩岸秋
昨夜落花吹未盡
隨風一片入孤舟

歸隱白馬湖留別同社

豈曰無衣傍友生
不求聞達自孤情
買山原是前人事
今日移家出市城

舟居

舍北舍南暮水平
山妻吹火逐灘行
生柴自折炊

菰米何處移舟無月明

閻修齡四見

江上偶詠

瓜浦人家對岸山
大觀樓外水潺潺
無端高築烽烟堡
不許山僧載月還

讀邗江錢烈女軼事有感

丞相臨戎事已非
錦衣誰肯著征衣
金鉦不遣黃龍醉
坐看城夜合南圍

喜友重過

清簟疎簾意不違時看蛺蝶遶闌飛前朝已定看
花約策蹇先從夜半歸

次紀夢詩

定遠餘年許乞還一碑千古峙燕山及今鄴善猶
寒膽絕域功名未可刪

又

吾家袍笏舊盈牀回首羞同嫫母妝昨夜槐安使
者召玉門正好曳裾長

又

茅舍疎籬隱姓名草衣蓐食澹無爭山中一鹿人
皆逐角里先生了不驚

又

孤領雕弓盡帶鞬馬蹄一路踏山邱承恩宿將人
還在聞說春王正進裘

野菴看牡丹有感

故園卜築向城隈每憶花期取醉回何事十年人
不到寒烟無盡鳥啼哀

郊行有感

春日潛行古渡頭携尊何地足淹留眼前花柳渾
閒事野鳥空山獨喚愁

塔莊道中

長楊十里噪新鴉古屋蕭疎三兩家野老相期春
暮好青窠石畔看藤花

宋曹五見

五日再過燕子磯

江上歌人采菱起歌中挾得湘江水聽歌不見湘
中人復向磯頭摘蒼耳

湖上

漠漠湖源幸有天江南所寄亦徒然相思一片高
雲色常在寒潭芳草邊

潘尊賁六見

卞友龍對弈

風前落子宿雲開救敗皆從制勝來莫歎湘東無
下意龜圖虎穴漫相猜

遊仙

洞庭木葉捲秋波鶴馭飛迴帶薜蘿莫道神山不

可接支磯石上遇青娥

又

澥陽舊種扶桑樹采映霞天黑徑燒騎得碧驢雲
外落不煩玉女學吹簫

目中

陶令閒居賦已停移文何用責山靈逢人盡說蒼
生仰天上今無處士星

卞為鯨六見

題明妃夢還漢宮圖

曾侍蛾眉妬後宮關山萬里暗魂通君王若見愁
顏色應悔當年殺畫工

草亭題菊

三徑秋芳豔綺羅獨憐疎菊抱寒疴生平愛此如
雞蹠不貴名花只貴多

明妃曲

掖庭待詔幾經霜望幸寧知入太荒昨得健兒探
漢事翠華又復醉昭陽

又

玉門關外豈知春但見牛羊不見人
聞道君王徵畫史何如廷議絕和親

張鎮世 再見

看僧分菊

落落霜畦手自栽殷勤分植傍香臺
老僧有意招詞客許我重陽冒雨來

陳 愷 三見

巖中悟張山人

石理花紋古色青高人踞坐說黃庭
洞中烹煉無

烟火惟喚山童進茯苓

陳 悖 四見

園中牡丹初開集陸永仲宋子奉兄威公分

韻

暖透春深雨乍滋
嫣紅數蕊壓新枝
酒人分韻花前醉
只看輕盈牛吐時

楊 方 五見

登峴山

密刺蟠花紫蝶飛
平明善飯健兒肥
無人緩帶湘

山麓此地猶餘墮淚碑

李挺秀 再見

文通塔

誰支瓦礫上於天傳說仙人自昔年多少廢興增
太息傍地依舊護朝烟

程 涑 四見

韓侯釣臺

君侯身死釣磯存流水城西咽古魂鐘室受俘赤
帝子廣南未絕韓王孫

馬 駿 五見

寄陶容菴

戲魚蓮葉放輕舸水淺天深人醉歌聽罷瑤琴時
一鼓蕭蕭秋滿洞庭波

送張虞山歸隱

抱甕携家去水濱蕭然四壁自棲貧他時生事春
湖裏白舫青筒釣細鱗

見離婦飲泣馬上

青海天邊首藉秋琵琶一曲唱伊州東行盡是良

家子回望鄉山不敢愁

和邱季貞妝臺詩

簾蒜低垂欲掩門
妝成誰與共朝昏
多情莫看風前柳
眼底迷人綠一村

又

冑前如玉亦如茶
愛著單衫佩蒹蘇
妝學飛霞臨水照
洛川描入美人圖

又

重看秋水曉橫波
十二雲鬟鏡裏多
莫怪紅脂妝

未子侍郎親手畫雙蛾

又

成谿桃李葉開繁
摘葉還妨子暗存
不信五更風

雨重半吹妝半文園

閣

又

蟬鬢雙鈎整不斜
清妝小坐隔牕紗
閒將樂府私調曲
侍女風廊看煮茶

陳穀駮 三見

饑女

金屋人家貯阿嬌何為麗質亦簞瓢蓮心不逐西
湖水愧殺錢唐夜半潮

李孫偉 四見

采菱曲

采菱一曲渡前溪短棹悠悠亭面西多情更去尋
蓮子惹得鷓鴣不住啼

閻若璩 四見

哭友

生前漫說交游廣死後何人復過門獨有二三塵

外客尚携詩酒一招魂

和王蒙宮詞

王蒙字叔明湖州人元季名士也武初隱黃鶴山常作宮詞曰南風吹斷采蓮歌夜雨新添太液波水殿雲房三十六不知何處月明多仁和俞友仁見此詩稱為盛唐佳手遂以妹妻之余喜其遇爰和其詩焉

舊恨新愁暗自歌為期翠輦悵秋波君恩安得如

明月三十六宮都照多

同丁蹶生夜話

春盡天寒仗酒濃春來曾得幾相從可憐一榻連
宵話共聽天興觀裏鐘

悼亡

愛爾閒情誰復過挑燈握管學書多燈前常作蠅
頭字新寫齊梁子夜歌

胡奏膚 字碩公山陽人

曲中紀事

戰馬常驅古渡頭曲中紅袖共悲秋健兒不解相
思字也擁青娥上酒樓

舒鵬翼 字上之鹽城人

三詔洞

蕭蕭古寺鎖嶙峋處士當年此隱淪丹詔幾徵猶
未起看他風雨渡江人

李長生 字榮之鹽城人

秋晴聞雁懷唐陶菴

玉露泠泠雨乍晴不眠高坐月華明故人血熱天
涯夢遙聽新鴻第一聲

邱象恒

字久也山陽人年十四備弟子員行文

恥為秦漢以下乙酉侍大人督四鎮餉
廣陵破遂不知所之吁隨兄弟接乳共
五人日同學夜同寢自兄失於軍伯兄
五弟相繼云亡三兄又復官苦天涯曾
不十年而生離死別骨肉几盡有天性

者其何以生此隨所以有遠署一羈千
里外荒原三哭十年中之句而血隨聲
出者升餘其亦痛苦創心甚也維二兄
散時隨始學詩不能珍其藁今偶於敗
笥中簡得四絕其猶
足以見萬一云乎

毛延壽

為憐怨女閉昭陽故掩丹青受劍鉞若使掖庭終
老去何人青塚說王嬙

瓜洲歌

重步城隅訪洛仙盈盈翠靨照平川崔郎笑倚東
風立今日桃花勝去年

過望江樓

人去樓空水不降芙蓉一片冷秋江晚烟深處看
歸鳥歷花落前影自雙

春詞

一夜春催柳葉青雙眉如破氣如冥樓西獨立無
人見裙帶風吹拜月亭

毛呈兆 三見

老君堂

丹爐石竈四時閒堂个虛明紫氣殷但說乘牛去

函谷不知今又在雲山

解泊

森森風烟遠翠鬟輕舟夜艤鳳凰山纔看樵子擔
雲去又見仙娥送月還

兩兒以雀為戲命放之

樊鎖雲翎困不伸呼兒開放示慈仁非關圖汝銜
環報留取枝頭喚故人

過孔雀溝祇陀林

山連雀尾翠屏開香散優曇花雨臺小憩幽岑觀

法象白雲堆裏擁如來

王禮志再見

流水

老圃寒蛩泣素秋弄簫人倚夕陽樓銀塘水淺芙蓉死
一陣晚風飛白鷗

沈漢再見

晚泊韓侯釣臺

柳餘金線月沉鉤四百炎精一釣邱古碣斷紋苔
蘚卧沙明夜夜泊漁舟

懷李菊癡

羞向平原說壯遊
故園初放解天秋
籃輿應卧陶
元亮潦倒籬邊笑白頭

邱眺 三見

上元

幕府烟花照夜分
府中簫管市中聞
豪遊空憶三年夢
月落西城人未醺

邱象升 七見

明妃歎

數載黃昏淹漢苑
千年青塚冷邊蕪
而今再遣毛延壽
添作途間棄子圖

廣陵竹枝詞

汴水龍舟此日空
湘簾微露舊花叢
文姬續得歸來日
尚染胭脂兩頰紅

又

拾得春愁官道旁
當年杜牧幾顛狂
囊中羞澁纏頭盡
唱罷江南卧竹牀

楚行答季貞弟

春草萋萋春水生遊人客路不勝情出門難定歸
來約秋月衡陽聽雁聲

江上別兄維貳

江上新潮朝暮生年年不斷去來情風吹帆影收
何處萬里青山落日橫

楚歸

布帆千里暮烟低驛路猿聲幾處啼高卧祇今閒
自得愁人刁斗又城西

斫器再見

結客

結客江南江北遊江南江北路悠悠酣歌上馬佩
雙劍直上沙場斬舊仇

杜首昌再見

宮怨

落葉蕭蕭滿碧苔殘燈明滅影徘徊金爐香燼和
衣卧不信君王此夜來

邱象豫再見

觀春

寥慄相將過遠城春光競鬥美人情
苑花隄柳何須發好夢今年思未成

邱象益 四見

潯陽江望漁舟

浩浩寒流送釣船松楸夾岸鎖江烟
生涯日傍魚龍窟綠笠青蓑不計年

郁田 字藍種山陽人

東都宮怨

未識天顏備女嬪年年金屋主恩身
秋風洛水盈階葉不敢題詩寄外人

陳紹賢 字箴九邳州人

讀南華

千金不惜學屠龍欲試無門計枉工
江上清風寧事買何如止學釣魚翁

又

栗林彈雀危同雀濠上觀鯨樂共鯨
若得忘機空所有便非莊叟也逍遙

劉洛中 字山陽人劉焜子

松

高松百尺倚秋空
冠劍巍峩六代風
瀕海小臣思一拜
典型猶在大江東

黃球
字虞諧山陽人

訪友不遇

思君不見暫相遇
竹裏柴門掩薜蘿
惆悵數聲啼鳥去
寒山一路夕陽多

丁氏
再見

燈下檢夫舊業

擊劍呼盧態自工
壯夫安可事雕蟲
即今跼跼名君子
何用文章邁鉅公

秋中憶夫容西冷

峰色鉤簾影半斜
露光驅雁照葭華
秋風未得吹愁去
何日歸帆軋軋鴉

蕭氏
山陽人

花谿

花谿紅亂燕雙飛
錦水香泥春獨歸
為憶金釵樓上夜
琵琶度月下簾幃

劉昌言 再見

姑蘇雜詩

光福山前漁父舟藏嬌不肯讓朱樓自從一棹春
風後常是花侵百和浮

又

吳女遊春往還復吳僧莫住虎邱山為言繡翻空
空寂却坐蒲團好閉關

楊文正

字山立山陽人

送闕紫琳歸晉

淮陰古驛送仙槎屈指風塵點臘花莫厭灞橋詩
思冷雪殘燈影是人家

楊名耀

字修野山陽人

題美人卷

半立花前有所思心中無限少人知低頭莫問闌
干外正是梧桐葉落時

尚玉弼

再見

有感

只好花開對酒杯莫將狂柳近庭栽一朝絮舞隨

風去枉費詩人詠雪才

范良 字眉生流寓

聽琴

共抱閒心理素音幽窗細雨響空沉特危莫弄猗
蘭操恐入愁思正不禁

邱履泰 再見

和季貞弟妝臺詩

刻骨相思夢不通
弄花照水泣飛蓬
無情強染胭脂頰
孤篔殘妝墜粉紅



終

